



Garnot Günther Giselher

Wie Sivrit ze Wormze chome.

III. Auentiure.

**D**en herren woten selten. deheiniv herrenleit.  
 er horte sagen märe. wie ein schoniv meit.  
 in Burgonden wäre. zewnsche wolgetan.  
 da von er sit vil arebeit. vnt oveh frevden gewan.

Div ir vnmazen schone. was vil witen chunt.  
vnt ir vil hochgemote. zu derselben stunt.  
an der iunefrowen. so manic helt ervant.  
ez ladete vil der geste. indaz Guntheres lant.

Swaz man nach ir minne. der werbende sach.  
Chriemhilt inir sinne. ir selber nie veriach.  
daz si deheimen wolde. zeime tröte han.  
er was ir noch vil vremde. dem si wart sîder vndertan.

Do gedaht vf hohe minne. daz Sigelinde chint.  
ez was ir aller werben. wider in ein wint.  
er mohte wol verdienen. schoner frowen lip.  
sit wart div edel Chriemhilt. des starchen Sifrides wip.

Im rieten sine mage. vnt genog sine man.  
sit daz er vf minne. vlißen sich began.  
daz er eine nâme. div im mohte zemen.  
do sprach der herre Sifrit. so wil ich Chriemhilt nemen.

Die edeln iunefrowen. v; Burgonden lant.  
durch ir vil grozen schone. von sage ist mir bechant.  
nie keiser wart so rîche. der wolde haben wip.  
im enzâme wol zeminnen. der iungen kuniginne lip.

Difiv selben mâre. vernam do Sigemont.  
ez reite sin gesunde. da von wart im chunt.  
der wille fines kindes. was im grimme leit.  
daz er werben wolde. die vil herlichen meit.

Ez gefriesch ovch Sigelint. des edeln kuniges wip.  
si hete grozze forge. vmbde ir kindes lip.  
den vorhte sie verliesen. von Gunthers man.  
den gewerp man do dem degene. sere leiden began.

Do sprach der starche Sivrit. vil lieber vater min.  
ane edeler frowen minne. wolde ich immer sin.  
ich enwerbe dar min herce. vil groze liebe hat.  
swaz ieman reden chunde. des ist deheinerflachte rat.

Sit do niht wil erwinden. sprach der kunic do.  
so bin ich dines willen. inneklichen vro.  
vnt wil dirz helfen fugen. so ich beste chan.  
doch hat der chunic Gunther. vil manigen obermotten man.

Obez ander niemen wære. wan Hagene der degen.  
der chan mit obermwote. der hochwerte pflegen.  
daz ich vil sere forhte. deiz vns werde leit.  
ia ist mir solher märe. dicke vil von in geseit.

Waz mag vns daz gewerren. sprach do Sifrit.  
swaz ich friwentliche. niht ab in erbit.  
daz mac doch mit ellen. erwerben wol min hant.  
ich trow im an ertwingen. bediv lot vnt lant.

Do sprach der furste Sigemont. din rede dir ist mir leit.  
wan werden dirz märe. ze Rine geseit.  
dune dorstes nimmer. geriten indaz lant.  
Gunther vnt Gernot. sint mir lange wol bekant.

Mit gewalt niemen. erwerben mac die meit.  
so sprach der kunic Sigemont. daz ist mir wol geseit.  
wellen aber wir mit rechen. riten indaz lant.  
vnfern besten friwenden. sol dir reise sin bechant.

Des en ist mir niht zemvotte. sprach do Sifrit.  
daz mir suln rechen. ze Rine volgen mit.  
durch deheine herwart. daz were mir leit.  
da mit ich solde ertwingen. die vil herlichen meit.

Si mac svs wol erwerben, da min eines hant.  
ich wil mit zwelf gesellen, in Gunthers lant.  
dar sult ir mir helfen, vater Sigemunt,  
do gap man sinen degenen, zekleiden gra vnt punt.

Do vernam och disiv märe, sin moter Sigelint.  
si begunde tvoren, vmb ir liebez kint.  
ia vorhte si vil fere, die Guntheres man,  
diu edele kuniginne, dar vmb weinen began.

Do chom der herre Sivrit, da er die frowen sach,  
wider sine moter, guetlicher sprach,  
irn solt niht weinen, durch den willen min,  
ia wil ich ane sorge, vor allen wiganden sin.

Nu helfet mir der reise, in Burgonden lant,  
daz ich vnt mine rechen, haben solch gewant,  
daz so stolze degene, mit eren muogen tragen,  
des wil ich genade, io mit triwen immer sagen.

Sit du niht wil erwinden, sprach do Sigelint,  
so hilf ich dir der reise, min einigez kint,  
mit der besten wäte, die ritter ie getroch,  
dir vnt den dinen degenen, ir sult ir furen genoch.

Des neig ir mit zohthen, der vil chone man,  
er sprach ich wil zer verte, niemen mere han,  
niwan zwelf gesellen, den sol man prufen wat,  
ich wil versöchen gerne, wie ez vmb Chriemhilde stat.

Da saz en schone frowe, naht vnt tac,  
luzzil deheiner muoze, ir deheiniv pflach,  
vnze si geworhten, die Sifrides wat,  
er wolde siner verte, han deheiner slachte rat.

Sin vater hiez im zieren. sin ritterlich gewant.  
damit er varn wolde. in Burgonden lant.  
die ir uil liechten brunne. die wrden och bereit.  
vnt ir vil goten helme. ir schilde schon vnt breit.

Do nahet in ir reise. zen Burgonden dan.  
sie heten vmbe in sorge. wies im solde ergan.  
ob si immer wider solden. chomen indaz lant.  
do souwte man den degenen. von dannen waffen vnt gewant.

Ir roffe diu warn schone. ir gereite goldes rot.  
lebt icemen obermoter. des enwas niht not.  
denne wære Sivrit. vnt die sine man.  
wie schone er verlobes. gerte zen Burgonden dan.

In werte tvorechliche. der kunic vnt och sin wip.  
er troste minneklichen. do ir beider lip.  
er sprach ir sult niht weinen. durch den willen min.  
immer ane sorge. muget ir wol mines libes sin.

Ez was leit den rechen. ez weint och manic meit.  
ich wän in hete rehte. ir herce daz geseit.  
daz in sovil ir frivende. da von gelege tot.  
von schulden si do klageten. des gie in endeliche not.

An dem sehsten morgen. ze Wormze vf den sant.  
riten die vil chunen. allez ir gewant.  
was von rotem golde. ir gereite wol getan.  
ir roff diu giengen ebene. des herren Sifrides man.

Ir schilde warn niwe. starc vnt breit.  
vnt licht ir helme. da zehove reit.  
Sivrit der vil chune. in Guntheres lant.  
man gefach an heleden. nie so hertlich gewant.

Die ort der swerte giengen. nider vf die sporn.  
es furten scharpfe geren. die ritter v3 erchorn.  
Sivrit der furt ir einen. wol zweier spannen breit.  
der ze sinen ekken. harte vreislichen sneit.

Die goldes roten zeume. furtens an der hant.  
von siden furgebuge. sus chomens indaz lant.  
daz volch si allenthalben. kapfen an began.  
do liefen in engegene. des kunic Guntheres man.

Die hochgemoten rechen. ritter vnt knecht.  
die sprungen in begegene. daz was michel reht.  
vnt enpfingen dise geste. inir herren lant.  
si namen in die möre. vnt ir schilde von der hant.

Die ross si wolden dannen. ziehen an ir gemach.  
Sifrit der starche. zu den helden sprach.  
lat uns noch die möre. eine wile stan.  
wir wellen schiere hinnen. des ich goten willen han.

Man sol och unser schilde. ninder von uns tragen.  
wa ich den kunic uinde. kan mir daz iemen sagen.  
Gunthern den richen. v3 Burgonden lant.  
do sagetes im ir einer. dem is rehte was bekant.

Welt ir den kunic uinden. daz mac vil wol geschehen.  
vf ienem sal witen. han ich in gesehen.  
bi den sinen degenen. welt ir zu zim gan.  
ir moget da vor im vinden. manigen v3 erwelten man.

Do waren och dem kunige. die märe nu geseit.  
daz vf sinem hofe wären. ritter vil gemeit.  
die furten liechte brunne. vnt herlich gewant.  
si enkande niemen. inder Burgonden lant.

Den wirt des hete wnder. von wanne kōmen dar.  
die herliche rechen. in wāte licht gevar.  
vnt mit so schonen schilden. niwe vnt breit.  
daz im daz niemen sagete. daz was im grōsliche leit.

Des antworte ein reche. der hiez Ortwin.  
starch vnt choone. mohter wol sin.  
sit wir ir niht erchennen. so sult ir heizen gan.  
nach mime hoheim Hagene. den sul wir si sehen lan.

Dem sint kunt div riche. vnt ouch div fremden lant.  
mager si bekennen. daz tvot er uns bechant.  
in hiez der chunic bringen. mit den sinen man.  
sach man in zuhtekliche. zehofe fur den chunic gan.

Waz sin der kunic wolde. des vragete Hagene.  
ez sint in mime huse. vrende degene.  
die niemen hie bekennet. ob ir si e' gesehen.  
habt invrenden landen. des sult ir Hagene mir veriehen.

Daz tvn ich sicherliche. zeinem venster er do gie.  
sin ouge er do wenchē. zu den gesten lie.  
wol behagete im ir gevete. vnt ouch ir gewant.  
si warn im vil vrende. inder Burgonden lant.

Er sprach von swannen furen. die rechen an den Rin.  
ez mohten selbe fursten. oder fursten boten sin.  
ir ross div sint so schone. ir chleider harte goot.  
swannen si ioch riten. si sint vil hohe gemvot.

Also sprach do Hagene. als ich mich kan verstan.  
swie ich Sifriden. noh nie gesehen han.  
so wil ich wol getrowen. swie ez sich gefuget hat.  
so ist ez der reche. der dort so herlichen stat.

Er bringet niwe märe. her indizze lant.  
die chonen Nibelunge. sloch des heldes hant.  
Schilbunc vnt Nibelunch. die riehen kuniges chint.  
er frumte starchy wnder. mit finer grozen chrefte sint.

Da der helt aleine. an alle helffe reit.  
er vant vor einem berge. daz ist mir wol geseit.  
bi Nibelunges horde. vil manigen kumen man.  
die warn im e' fremde. vnz er ir chunde da gewan.

Hort der Nibelunges. der was gar getragen.  
vz einem holn berge. nu horet wnder sagen.  
wie in teilen wolden. der Nibelunge man.  
daz sach der degene Sifrit. den helt es wndern began.

Er chom zu zin so nahen. daz er die rechen sach.  
vnt oveh in die degene. ir einer drunder sprach.  
hie chumt der starchy Sivrit. der helt von Niderlant.  
vil seltseniv märe. er an den Nibelungen vant.

Den rechen wol enpfiegen. Schilbunc vnd Nibelunch.  
mit gemeinem site. die edeln fursten iunch.  
den schaz in baten teilen. den vil chunen man.  
vnt batens in so lange. vnz er inz loben began.

Er sach so vil gesteines. als wir horen sagen.  
hundert chantz wägene. ez mohten niht getragen.  
noch me des roten goldes. von Nibelunge lant.  
daz solde in alles teilen. des chunen Sifrides hant.

Do gaben si im ze miete. daz Nibelunges swert.  
si wrden mit dem dienste. vil vbele gewert.  
den in da leiften solde. der vil chune man.  
ern kundes niht verenden. do wart der helt von in bestan.

Den schatz er vngeteilet. beliben mose lan.  
do begunden mit im striten. der zweier kunige man.  
mit ir vater swerte. daz Palmvuch was genant.  
ez streit abin der chune. den hort vnt Nibelunglant.

Si heten da ir fründe. zwelf chune man.  
die starch als rifen warn. was chundes si verwan.  
die swoch sit mit zorne. diu Sifrides hant.  
vnt rechen sibenhundert. dwanger von Nibelunge lant.

Dar zu die richen kunige. die sluger beide tot.  
er chom von Albriche. sit ingroze not.  
der wande sine herren. rechen da zehant.  
vuz er die grozen sterche. sit an Sifride vant.

Done chunde im gestriten. daz starche getwerch.  
alsam die lewen wilde. si liefen an den berch.  
da er die tarnkappen. Albrichen ane gewan.  
do wart des hordes herre. Sifrit der vil chune man.

Die da getorsten striten. die lagen alle erslagen.  
den schatz hiez er do balde. furen vnt tragen.  
da in e' da namen. die Nibelunges man.  
Albrich der vil starche. do die kameren gewan.

Er moos im swern eide. er dient im so sin knecht.  
aller hande dienste. was er im gereht.  
so sprach von Tronege Hagene. daz hat er getan.  
also grozer chrefte. nimere reche gewan.

Noch weiz ich an im mere. daz mir ist bekant.  
einen lintrachen. swoch des heledes hant.  
do badet er in dem blvote. des ist der helt gemeit.  
von also vester hote. daz in nie wafen sit versneit.

Nu soln wir den rechen. enpfahen deste baz.  
daz wir iht verdienen. den finen starchen haz.  
sin lip der ist so chune. man sol in holden han.  
er hat mit finen ellen. so mänigiv wnder getan.

Do sprach der chunich riche. do maht wol haben war.  
nu sich wie degenliche. er stet gein strites var.  
er unt die sine degene. der wnder chune man.  
wir suln im begegene. hin nider zu dem rechen gan.

Daz mozt ir sprach do Hagene. wol mit eren tun.  
er ist von hohem chunne. eines richen kuniges son.  
er stet inder gebäre. mich dunchet wisse christ.  
ez en sin niht kleiniv märe. darumbe er her geriten ist.

Do sprach der wirt des landes. nu si uns willechomen.  
er ist edel unt chvone. daz han ich wol vernomen.  
des sol ouch er geniezen. in Burgonden lant.  
do gie der chunic Gunther. da er Sifriden vant.

Der wirt vnt sine rechen. enpfingen so den gast.  
daz in an ir zohnten. wenich iht gebraft.  
des begunde in nigen. der vil chune man.  
man sah in zohtekliche. mit den finen rechen stan.

Mich wundert dirre märe. sprach der wirt zehant.  
von wanne ir edel Sifrit. sit chomen indaz lant.  
oder waz ir werbet. ze Wormez an den Rin.  
do sprach der gast zem kunige. daz sol ouch unverdaget sin.

Mir wart gefaget märe. in mins vater lant.  
daz hie bi ir wären. daz het ich gern erkant.  
die chunsten rechen. des han ich vil vernomen.  
die ie kunic gewinne. darumbe bin ich her bechomen.

Ouch hort ich in selben. der degenheite ichen.  
daz man kunic deheinen. chuner habe gesehen.  
des giht in vil der lute. vber elliv disiv lant.  
nunc wil ich niht erwinden. vnz ez mir werde bechant.

Ich bin ouch reche. vnt solde chrone tragen.  
ich wil daz gern fugen. daz si von mir sagen.  
daz ich habe von rehte. lute vnt lant.  
darumbe sol min ere. vnt min houbt wesen pfant.

Nu ir sit so chune. als mir ist geseit.  
iane roche ich ist iemen. liep oder leit.  
ich wil an in ertwingen. swaz ir muget han.  
lant vnt burge. daz sol mir wesen alles undertan.

Den chunic hete wnder. vnt sine man allesam.  
vmb disiv mare. die er hie vernam.  
daz er des hete willen. er name in siniv lant.  
daz horten sine degene. do wart in zvernen bechant.

Wie hete ich daz verdienet. sprach Gunther der degen.  
des min vater lange. mit eren hat gepflegen.  
daz wir daz solden vliessen. von iemannes kraft.  
wir liezen vbel schinen. daz ouch wir pflegen ritterschaft.

Ich enwil es niht erwinden. sprach aber der chune man.  
ez enmuget von dinem ellen. din lant den vride han.  
ich wils alles walten. vnt ouch diu erbe min.  
erwirbestu mit ellen. die soln von rehte wesen din.

Din lant vnt ouch daz mine. suln geliche ligen.  
sweder unser einer. am andern mac gestigen.  
dem sol ez alles dienen. die lute vnt ouch diu lant.  
da wider redet aleine. der herre Gernot zehant.

Wir han des niht gedingen. sprach do Gernot.  
das wir iht lande irtwingen. das iemen drombe tot.  
gelige vor rechen handen. wir haben richiv lant.  
diu dient vns von rehte. zenieman sint si baz bewant.

In vil grimmen mvote. da stunden die frunde sin.  
do was och dar vnder. der herre Ortwin.  
der sprach disiv svone. ist mir von hercen leit.  
iv hat der starche Sifrit. unverdienet wider seit.

Ob ir vnt iwer bruder. hetet niht die wer.  
vnt ob er dame furte. ein michil kuniges her.  
ich trowte wol erstriten. das der chune man.  
die grozen obermvete. von warn schulden mvse lan.

Das zvrnde harte fere. der helt von Niderlant.  
sich enfol niht vermezzen. wider mich din hant.  
ich bin ein kunic riche. so bistu kuniges man.  
ia enzint dir niht mit strite. deheinen minen genoz bestan.

Nach swerten rief do fere. von Metzzen Ortwin.  
er mohte Hagene swester suon. von Tronege vil wol sin.  
das der so lange dagete. das was dem kunige leit.  
do vnderstundes Gernot. der ritter kvene vnt gemeit.

Er sprach ze Ortwine. lat iwer zvrnen stan.  
vns en hat herre Sifrit. solhes niht getan.  
wir meigen ez noch wol scheiden. mit zvhten dest min rat.  
vnt haben in zefrivnde. das uns lobelicher stat.

Des antwete Hagene. vns mac wol wesen leit.  
allen iweren degenen. das er ie gereit.  
durch striten her ze Rine. er soldes haben lan.  
im heten min herren. solher leide niht getan.

Do sprach aber Sifrit, der chrestige man,  
müte ouch das her Hagene, das ich gesprochen han.  
so sol ich lazen ehiesen, das die hende min.  
wellent vil gewaldech, hie zen Burgonden sin.

Das sol ich eine wenden, sprach do Gernot,  
allen sinen degenen, reden er verbot.  
iht mit obermwete, des im wäre leit.  
do gedaht ouch Sifrit, an die vil herlichen meit.

Wie zäme ons mit in striten, sprach aber Gernot,  
swaz helde nu dar vnder, muosen ligen tot,  
wir hetens luzzil ere, ob wir ez wolden toon,  
des antwort Sifrit, des kunic Sigemundes sun.

Warumbe bitet Hagene, vnt ouch Ortwin,  
das er niht gahet striten, mit den frionden sin.  
der er also manigen, hie zelande hat,  
si muosen rede vermeiden, das was Gernotes rat.

Ir sult ons wesen willechomen, sprach Giselher das kint,  
vnt iwer hergesellen, die hie mit in sint.  
wir soln in gerne dienen, ich unt die mage min.  
do hiez man den gesten, schenchen Guntheres win.

Do sprach der wirt des landes, allez das wir han,  
gerochet irs nach eren, das si in vndertan.  
vnt si mit in geteilet, lip unt goot,  
do wart der herre Sivrit, ein luzzil fenster gemoot.

Do hiez man in behalten, alliz ir gewant,  
man gab in herberge, die besten die man vant.  
Sivrides knappen, man schoof in goot gemach,  
den gast man sit vil gerne, da zen Burgonden sach.

Man bot im michel ere. dar nach ze manigen tagen.  
tusint stunden mere. danne ich iv kunde gefagen.  
das hete verscholt sin ellen. ir solt wol wizen das.  
in sach vil luzzil iemen. der im were gehaz.

Sich vliizen kurzewile. die kunige vnt oveh ir man.  
so was er ie der beste. swes man da began.  
des chunde im volgen niemen. so michel was sin kraft.  
so si den stein wfen. oder schuzzen den schaft.

Swa so vor den frowen. durch ir hoffcheit.  
churzewile pflagen. die ritter vil gemeit.  
da sah man ie vil gern. den helt v3 Niderlant.  
er het of hohe minne. sine sinne gewant.

Ze hofe die schonen frowen. vrageten mare.  
wer der stolze vrende. reche ware.  
sin lip der ist so schone. vil riche sin gewant.  
do sprachen ir genoge. ez ist der chunic von Niderlant.

Swes iemen da begunde. des was sin lip bereit.  
er trvoch insinem mote. ein minnekliche meit.  
vnt oveh in ein div frowe. die er noch niene gefach.  
div im inheinliche. vil dicke gottliche sprach.

Swenne vofem hofe wolde. spilen da div kint.  
ritter vnt knappen. das sach vil dicke sint.  
Eriemhilt durch div venster. div kuniginne her.  
deheiner kurzewile. bedorfte div kuniginne mer.

Vnt wesser das in sehe. die er inhercen trvoch.  
da het er kurzewile. immer ane genvoch.  
solt oveh er si sehen. ir sult gelouben das.  
das im indirre werlde. chunde nimmer werden bas.

Swenner bi den rechen. vñ dem hofe stont.  
also noch die lute. durch kurzewile twont.  
so stont so minnekliche. daz Sigelinde chint.  
daz in durch hercenliebe. trotte manic frowe sint.

Er daht och manige zite. wie sol daz geschehen.  
daz ich die maget edele. mit ougen moge gesehen.  
die ich von hercen minne. vnt lange han getan.  
diu ist mir vil vrende. des moz ich dicke truric stan.

Swenne die kunige riche. riten inir lant.  
so mozin ie die rechen. mit in al zehant.  
da mit reit och Sifrit. daz was den frowen leit.  
er het durch hohe minne. dicke michel arebeit.

Svs wonter bi den herren. daz ist al war.  
in Guntheres lande. volleklich ein iar.  
daz er die minneklichen. die zite niene gefach.  
von der im sit vil liebe. vnt och vil leide geschach.

